



Crynodeb o Gwricwlwm i Gymru

Mae ein cwricwlwm wedi'i gyd-greu trwy ymgysylltu â'r holl randdeiliaid, a bydd yn bodloni'r gofynion canlynol:

Ein gweledigaeth

Mae ein gweledigaeth yn Ysgol Bro Gwaun wedi'i selio ar y 4 diben. Yn Ysgol Bro Gwaun bydd ein dysgwyr yn:

- ddysgwyr uchelgeisiol, galluog sy'n barod i ddysgu drwy gydol eu hoes;
- gyfranwyr mentrus, creadigol sy'n barod i chwarae rhan llawn yn eu bywyd a'u gwaith;
- ddinasyddion egwyddorol, gwybodus Cymru a'r byd;
- unigolion iach, hyderus sy'n barod i fyw bywyd gan wireddu eu dyheadau fel aelodau gwerthfawr o gymdeithas.

Ein cenhadaeth yn Ysgol Bro Gwaun yw:

- i fod yn ysgol lwyddiannus sy'n canolbwyntio ar y plentyn yng nghalon y gymuned;
- adlewyrchu a chyfoethogi natur Gymraeg a dwyieithog yr ardal ac annog cyfranogiad gweithredol yn y diwylliant hwn;
- datblygu partneriaeth gref sy'n cynnwys yr holl rhanddeiliaid; disgyblion, athrawon, rhieni/gofalwyr a llywodraethwyr;
- darparu addysg gyfoethog, o ansawdd uchel, eang, ysbrydoledig ac atyniadol;
- hybu parch, cwrteisi, a gofal fel sail i berthnasoedd personol;
- deall a pharchu gwerthoedd crefyddol a dysgu goddefgarwch o grefyddau a diwylliannau pobl eraill;
- annog a chefnogi pob disgybl yn eu datblygiad cymdeithasol, corfforol, deallusol, emosiynol ac ysbrydol;
- cyfoethogi addysg y disgyblion drwy weithgareddau cyfoethogi ac allgyrsiol amrywiol, ar gyfer pob oed a gallu.

Ein cwricwlwm cynhwysol

Bydd ein cwricwlwm yn codi dyheadau pob dysgwr. Yn ein hysgol rydym wedi ystyried y modd y bydd pob dysgwr yn cael ei gefnogi i wireddu'r pedwar diben ac i wneud cynnydd. Rydym wedi ystyried ein darpariaeth ADY a'r modd y byddwn yn bodloni anghenion grwpiau gwahanol o ddysgwyr.

Y datganiadau o'r hyn sy'n bwysig

Bydd ein cwricwlwm yn darparu cyfleoedd a phrofiadau i ddatblygu'r cysyniadau allweddol, yr wybodaeth a'r sgiliau fel y'u disgrifir yn y datganiadau o'r hyn sy'n bwysig ac yn unol â [Chod y Datganiadau o'r Hyn sy'n Bwysig](#).

Meysydd Dysgu a Phrofiad

Bydd ein cwricwlwm yn darparu profiadau dysgu trwy'r chwe Maes Dysgu a Phrofiad:

- Y Celfyddydau Mynegiannol
- Iechyd a Lles
- Y Dyniaethau
- Ieithoedd, Llythrennedd a Chyfathrebu
- Mathemateg a Rhifedd
- Gwyddoniaeth a Thechnoleg

Dysgu, Cynnydd ac Asesu

Bydd ein cwricwlwm yn cefnogi dysgu trwy gynllunio cyfleoedd dysgu sy'n tynnu ar yr [egwyddorion addysgegol](#).

Mae ein cwricwlwm, a ategir gan addysgu a dysgu effeithiol, yn galluogi dysgwyr i wneud cynnydd ystyrlon. Dros amser bydd ein dysgwyr yn datblygu ac yn gwella eu sgiliau a'u gwybodaeth. Mae ein cwricwlwm yn canolbwyntio ar ddeall yr hyn y mae'n ei olygu i wneud cynnydd mewn Maes neu ddisgyblaeth benodol, a'r modd y dylai dysgwyr ddyfnhau ac ehangu eu gwybodaeth a'u dealltwriaeth, eu sgiliau a'u galluedd, a'u priodoleddau a'u tueddiadau, ac mae'n cael ei lywio gan y [Cod Cynnydd](#). Mae hyn yn ei dro yn cefnogi'r modd yr ydym yn mynd ati i [asesu](#), a'i ddiben yw llywio gwaith cynllunio ar gyfer dysgu yn y dyfodol.

Bydd asesu yn cael ei wreiddio fel rhan gynhenid o ddysgu ac addysgu. **Bydd pob dysgwr yn cael ei asesu** ar fynediad i'r ysgol.

Mae gwybodaeth am gynnydd a iechyd a lles dysgwr yn cael ei rannu gyda rieni/warcheidwaid. Hefyd, mae argymhellion ar sut gall rieni/warcheidwaid gefnogi'r broses.

Cymraeg a Saesneg

Fel ysgol 'dwy iaith' bydd dysgu yn digwydd yn y Gymraeg a'r Saesneg.

Sgiliau trawsgwricwlaidd

Bydd ein cwricwlwm yn datblygu'r [sgiliau trawsgwricwlaidd gorfodol](#), sef llythrennedd, rhifedd a chymhwysedd digidol. Bydd ein cwricwlwm yn galluogi dysgwyr i ddatblygu cymhwysedd a gallu yn y sgiliau hyn a'u hymestyn a'u cymhwyso ar draws pob Maes. Bydd dysgwyr yn cael cyfleoedd ar draws y cwricwlwm i wneud y canlynol:

- datblygu sgiliau gwranddo, darllen, siarad ac ysgrifennu
- gallu defnyddio rhifau a datrys problemau mewn sefyllfaoedd bywyd go iawn
- bod yn hyderus yn eu defnydd o ystod o dechnolegau i'w helpu i weithredu a chyfathrebu'n effeithiol a gwneud synnwyr o'r byd

Confensiwn y Cenedloedd Unedig ar Hawliau'r Plentyn/Confensiwn y Cenedloedd Unedig ar Hawliau Pobl ag Anableddau

Bydd ein hysgol yn hyrwyddo gwybodaeth a dealltwriaeth mewn perthynas â Rhan 1 o Gonfensiwn y Cenedloedd Unedig ar Hawliau'r Plentyn a Chonfensiwn y Cenedloedd Unedig ar Hawliau Pobl ag Anableddau, ymhlith y rheiny sy'n darparu'r addysgu a'r dysgu.

Addysg Gyrfaeodd a Phrofiadau sy'n gysylltedig â byd Gwaith

Bydd ein cwricwlwm yn darparu profiadau gyrfaeodd a byd gwaith ar gyfer ein disgyblion.

Addysg Cydberthynas a Rhywioldeb

Mae cwricwlwm ein hysgol yn coeddu'r arweiniad a geir yn y [Cod Addysg Cydberthynas a Rhywioldeb](#). Bydd gan ein darpariaeth Addysg Cydberthynas a Rhywioldeb rôl gadarnhaol a grymusol yn addysg ein dysgwyr, a bydd yn chwarae rhan hanfodol wrth eu cefnogi i wireddu'r pedwar diben trwy ddull ysgol gyfan. Helpu dysgwyr i feithrin a chynnal ystod o berthnasoedd, i gyd yn seiliedig ar ymddiriedaeth a pharch at ei gilydd, yw sylfaen Addysg Cydberthynas a Rhywioldeb. Mae'r perthnasoedd hyn yn hanfodol i ddatblygiad llesiant emosiynol, cadernid ac empathi. **Nid oes hawl gan riant i wneud cais i dynnu plentyn** yn ôl o Addysg Cydberthynas a Rhywioldeb.

Crefydd, Gwerthoedd a Moeseg

Mae Crefydd, Gwerthoedd a Moeseg yn ofyniad statudol yn Cwricwlwm i Gymru, ac mae'n orfodol i bob dysgwr rhwng 3 ac 16 oed.

Nid oes hawl gan riant i wneud cais i dynnu plentyn yn ôl o Grefydd, Gwerthoedd a Moeseg yn Cwricwlwm i Gymru.

Gan fod Crefydd, Gwerthoedd a Moeseg yn bwnc a bennir yn lleol, mae'r maes llafur y cytunwyd arno yn nodi'r hyn y dylid ei addysgu ym maes Crefydd, Gwerthoedd a Moeseg yn yr awdurdod lleol, a bydd ein cwricwlwm yn adlewyrchu'r canllawiau hyn.

Adolygu a mireinio

Bydd cwricwlwm ein hysgol yn cael ei adolygu'n barhaus er mwyn ymateb i allbynnau ymholi proffesiynol, anghenion newidiol y dysgwyr, a chyd-destunau ac anghenion cymdeithasol. Bydd yr adolygiadau'n ystyried barn rhanddeiliaid ac yn cael eu cymeradwyo gan y Corff Llywodraethu. Byddwn yn cyhoeddi crynodeb o'n cwricwlwm ac yn adolygu'r crynodeb os gwneir newidiadau i'r cwricwlwm yn ystod y broses adolygu.

Pennaeth :Mr Paul Edwards

22.07.2023

Cadeirydd Llywodraethwyr:Mr Batty

Dyddiad adolygu: Gorffennaf 2024

